

სახელმწიფო შესყიდვის შესახებ
ხელშეკრულება №02-02/53

ქ. ბათუმი

30 მაისი, 2018 წელი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად, ერთის მხრივ, აჭარის ავტონომიური რესპუბლიკის სოფლის მეურნეობის სამინისტრო (შემდგომში - „შემსყიდველი“), წარმოდგენილი მისი მინისტრის ავთანდილ მესხიძის სახით (მისამართი: ქ. ბათუმი, ავ. მამია კომახიძის ქ. №119) და მეორეს მხრივ, შპს „ქინძმარაულის ღვინის სახლი“ (ქ. ბათუმი, დ. აღმაშენებლის ქ. N30, ბ.61, ს/კ 445517557) (შემდგომში - „მიმწოდებელი“) წარმოდგენილი მისი დირექტორის ნუკრი ფუტკარაძის სახით, შევთანხმდით შემდეგზე:

1. ხელშეკრულების საგანი

1.1. წინამდებარე ხელშეკრულებით მიმწოდებელი თანახმაა შემსყიდველს მიაწოდოს, სასაჩუქრე სუვენირი (ღვინის ყუთი) (CPV დანაყოფი - 18500000, კოდი - 18530000) და სასაჩუქრედ ღვინო (CPV დანაყოფი - 15900000, კოდი - 15931200, 15911000) (შემდგომში - საქონელი), ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით გათვალისწინებული წესით.

1.2. მთლიანი სახელშეკრულებო თანხა შეადგენს 310,00 (სამას ათი) ლარს.

1.3. შესყიდვის ობიექტის სახეობა, რაოდენობა, ერთეულის ფასი და მიწოდების ვადა განისაზღვრება ხელშეკრულების დამდები ორივე მხარის მიერ დამოწმებული დანართი N1-ის მიხედვით, რომელიც წარმოადგენს ხელშეკრულების განუყოფელ ნაწილს.

2. საქონლის მიღება-ჩაბარება, მიწოდების პირობები

2.1. საქონელი მიღებულად ჩაითვლება შემსყიდველსა და მიმწოდებელს შორის სათანადო უფლებამოსილი პირ(ებ)ის მიერ მიღება-ჩაბარების აქტის გაფორმებისა და სასაქონლო ზედნადების/ანგარიშ-ფაქტურის წარმოდგენის შემდეგ.

2.2. მიღება-ჩაბარების აქტის და სასაქონლო ზედნადების/ანგარიშ-ფაქტურის საფუძველზე, შემსყიდველი ახდენს ანგარიშსწორებას მიმწოდებლისაგან მიღებულ საქონელზე.

2.3. საქონლის მიწოდება ხორციელდება მიმწოდებლის მიერ, დანართი N1-ით განსაზღვრული ვადების შესაბამისად.

2.4. შესყიდვის ობიექტის მიღება-ჩაბარების აქტის გაფორმებაზე უფლებამოსილი პირია სამინისტროს შრომითი ხელშეკრულებით დასაქმებული პირი (სამეურნეო-ტექნიკურ უზრუნველყოფაზე პასუხისმგებელი პირი) გენადი გობაძე.

3. გარანტია

3.1. მიმწოდებელი იძლევა გარანტიას, რომ მიწოდებული საქონელი იქნება მოქმედი სტანდარტის შესაბამისი.

3.2. მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის შეცვლა, შემსყიდველის მხრიდან რაიმე დამატებითი დანახარჯის გაწევის გარეშე.

4. ანგარიშსწორება

4.1. ანგარიშსწორება მიმწოდებელთან ხორციელდება მიმწოდებლის მიერ ფაქტიურად მიწოდებული საქონლის ანგარიშ-ფაქტურის/სასაქონლო ზედნადებისა და მიღება-ჩაბარების აქტის წარმოდგენიდან 10 (ათი) სამუშაო დღის განმავლობაში.

4.2. მიმწოდებელი ვალდებულია ანგარიშ-ფაქტურაში/სასაქონლო ზედნადებში მიუთითოს ყველა საჭირო რეკვიზიტი, წინააღმდეგ შემთხვევაში შემსყიდველს უფლება აქვს არ მიიღოს დოკუმენტი.

4.3. ანგარიშსწორება განხორციელდება უნაღდო ანგარიშსწორების ფორმით.

4.4. ანგარიშსწორება მიმწოდებელთან განხორციელდება ლარებში.

5. ხელშეკრულებაში ცვლილებების შეტანა

5.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შეთანხმების გარდა.

5.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

5.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

6. ხელშეკრულების შესრულების შეფერხება

6.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება მიღებული აღნიშნულ გარემოებებთან დაკავშირებით.

6.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

7. ხელშეკრულების შეწყვეტა მისი პირობების შეუსრულებლობის გამო

7.1. შემსყიდველს შეუძლია ვალდებულებების მთლიანი ან ნაწილობრივი შეუსრულებლობისათვის შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

7.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

8. ხელშეკრულების შესრულების კონტროლი

8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი.

8.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი ტექნიკური საშუალებებით და სხვა სამუშაო პირობებით.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სამინისტროს შრომითი ხელშეკრულებით დასაქმებული პირი (სამეურნეო-ტექნიკურ უზრუნველყოფაზე პასუხისმგებელი პირი) გენადი გობაძე.

9. დაუძლეველი ძალა

9.1. ხელშეკრულების პირობების ან რომელიმე მათგანის მოქმედების შეჩერება დაუძლეველი ძალის დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, გაფიცვებით, სახალხო მღელვარებებით, საბიუჯეტო ასიგნებების მკვეთრი შემცირებით, საქართველოს ან/და მესამე სახელმწიფოების ან/და სხვა მესამე პირების მიერ პოლიტიკური ან/და სხვა სახის გადაწყვეტილებით, რომლითაც პირდაპირ თუ ირიბად იზღუდება ხელშეკრულებით გათვალისწინებული ვალდებულებების შესრულების შესაძლებლობა და სხვა.

9.3. დაუძლეველი ძალის დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან დაუძლეველი ძალის გარემოებების ზეგავლენისაგან.

10. პასუხისმგებლობა

10.1. თუ მიმწოდებლის მიერ დარღვეული იქნა ხელშეკრულებით გათვალისწინებული საქონლის მიწოდების ვადები, მაშინ მას ეკისრება პირგასამტეხლოს გადახდა შემსყიდველისათვის მოუწოდებელი საქონლის ღირებულების 0,02 %-ის ოდენობით ყოველ ვადაგადაცილებულ დღეზე.

10.2. ხელშეკრულების 10.1. პუნქტით გათვალისწინებული პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.3. სახელმწიფო შესყიდვის შესახებ ხელშეკრულების პირობების მიმწოდებლის მიერ შეუსრულებლობის გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 5 (ხუთი) %-ის ოდენობით.

10.4. მიმწოდებელი ვალდებულია დარიცხული პირგასამტეხლოს თანხა პირგასამტეხლოს დარიცხვის შესახებ შეტყობინების მიღებიდან 7 (შვიდი) კალენდარული დღის ვადაში ჩარიცხოს შეტყობინებაში მითითებულ ბიუჯეტის შესაბამის ანგარიშზე და წარუდგინოს შემსყიდველს აღნიშნულის დამადასტურებელი დოკუმენტი (საგადახდო დავალების დედანი ან ბანკის მიერ დამოწმებული ასლი).

10.5. ანგარიშსწორების ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, დროულად გადაუხდელი თანხის 0,02% ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია საქართველოს მოქმედი კანონმდებლობით დადგენილი წესის მიხედვით მიმართოს სასამართლოს.

12. ხელშეკრულების მოქმედების ვადა

ხელშეკრულება ძალაშია ხელმოწერისთანავე და მოქმედებს 2018 წლის 12 ივლისის ჩათვლით.

13. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილ გადასახადების, მოსაკრებლების და სხვა გადასახდელების გადახდაზე.

14. საერთო პირობები

ხელშეკრულება შედგენილია და ხელმოწერილია სამ ეგზემპლარად ქართულ ენაზე. ხელშეკრულების ერთი ეგზემპლიარი ინახება მომწოდებელთან, ორი ეგზემპლიარი - შემსყიდველთან.

15. მხარეთა იურიდიული მისამართები და რეკვიზიტები

„შემსყიდველი“

აჭარის ავტონომიური რესპუბლიკის
სოფლის მეურნეობის სამინისტრო
ქ. ბათუმი, მ. კომახიძის ქ. №119
ს/კ 245428265

„მიმწოდებელი“

შპს „ქინძმარაულის ღვინის სახლი“
ქ. ბათუმი, დ. აღმაშენებლის ქ. N30, ბ.61
ს/კ 445517557
ა/ნ GE93BG0000000134131900
მიმღ. ბანკი: საქართველოს ბანკი
ბანკის კოდი: BAGAGE22

ავთანდილ მესხიძე
მინისტრი



ნუკრი ფუტყარაძე
დირექტორი



ინფორმაცია ფასებისა და მიწოდების გრაფიკის შესახებ

CPV კოდი	საქონლის აღწერა	ზომის ერთეული	რაოდენობა	ერთეულის ფასი (ლარი)	საერთო ფასი (ლარი)	მიწოდების ადგილი	მიწოდების ვადა
CPV დანაყოფი - 18500000, კოდი - 18530000	სასაჩუქრედ ღვინის ყუთი 1 ბოთლიანი	ცალი	2	80,00	160,00	ქ. ბათუმი, მ. კომახიძის 119, აჭარის ა/რ სოფლის მეურნეობის სამინისტრო	ხელშეკრულების გაფორმებიდან 5 სამუშაო დღის ვადაში
CPV დანაყოფი - 15900000, კოდი - 15931200, 15911000	სასაჩუქრედ ღვინო სატრაპეზო 10 ქვევრი 0,75 ლ.ბ.	ცალი	2	45,00	90,00		
	სასაჩუქრედ ღვინო საფერავი „ტიკი“ 1ლ	ცალი	1	25,00	25,00		
	სასაჩუქრედ ჭაჭა 60% ტყავში „ტიკი“ 1ლ	ცალი	1	35,00	35,00		
სულ:					310,00		

„შემსყიდველი“

აჭარის ავტონომიური რესპუბლიკის სოფლის მეურნეობის სამინისტრო
ს/კ 245428265

ავთანდილ მესხიძე
მინისტრი



„მიმწოდებელი“

შპს „ქინძმარაულის ღვინის სახლი“
ს/კ 445517557

ნუკრი ფუტკარაძე
დირექტორი




ხელწერილი

ინტერესთა კონფლიქტის არარსებობის შესახებ

31.05.2018

„სახელმწიფო შესყიდვების შესახებ“ საქართველოს კანონის მე-8 მუხლის თანახმად, ვადასტურებთ, რომ აჭარის ავტონომიური რესპუბლიკის სოფლის მეურნეობის სამინისტროს მიერ სასაჩუქრედ სუვენირისა და ღვინის სახელმწიფო შესყიდვისთან დაკავშირებით ხელშეკრულებაში მითითებულ მიმწოდებელთან (შპს „ქინძმარაულის ღვინის სახლი“) ინტერესთა კონფლიქტში არ ვიმყოფებით.

ხელშეკრულების ხელმოწერი პირი,
მინისტრი:  ა. მესხიძე

მიმწოდებლის შერჩევაში მონაწილე,
შრომითი ხელშეკრულებით დასაქმებული პირი
(სამეურნეო-ტექნიკურ უზრუნველყოფაზე
პასუხისმგებელი პირი):  ბ. გობაძე